



**I. ATALA**  
**BIZKAIKO LURRALDE HISTORIKOKO FORU ADMINISTRAZIOA**  
**Bizkaiko Foru Aldundia**

**Herri Administrazioarako eta Erakunde Harremanetarako Saila**

**Bizkaiko Foru Aldundiaren ERABAKIA, 2017ko uztailaren 4an, Bizkaiko Foru Aldundiaren 2017ko enplegu publikoaren eskaintza onesten duena.**

ERABAKIA

**1. artikulua**

Euskal Funtzio Publikoari buruzko uztailaren 6ko 6/1989 Legearen 22tik 24ra bitarteko artikuluetan, Enplegatu Publikoaren Oinarrizko Estatutuari buruzko Legearen Testu Bategina onesten duen urriaren 30eko 5/2015 Legegintzako Errege Dekretuaren 70. artikuluan, Estatuko 2016. urterako Aurrekontu Orokorrei buruzko urriaren 29ko 48/2015 Legearen 20. artikuluan eta Bizkaiko Lurralde Historikoaren 2016. urteko aurrekontu orokorreari buruzko abenduaren 19ko 8/2015 Foru Arauaren 17. artikuluan xedatzen dena betez, Bizkaiko Foru Aldundiaren Enplegu Publikoaren Eskaintza onetsi da 2016ko ekitaldirako, erabaki honetan ezartzen den eran.

**2. artikulua**

Enplegu publikoaren eskaintza honetan, aurrekontuko zuzkidura duten plaza hutsak sartzeko dira; erabaki honen eranskinean agertzen da haien kuantifikazioa, eskala, azpieskala, mota eta espezialitateetan sailkatua. Beraz, konprometitutako plazei gehi gehienez ere gainerako plazen ehuneko hamarrari dagozkien hautaketa-prozesuetarako deialdia egin beharko da. Plaza huts horiek ez daude beste ezein enplegu-eskaintzatan edo deialdi-prozesutan konprometiturik.

**3. artikulua**

1. Euskal Funtzio Publikoari buruzko uztailaren 6ko 6/1989 Legearen zazpigarren xedapen gehigarria eta arloan aplikatzekoa den gainerako araudia (Desgaitasuna duten pertsonen eskubideei eta haien gizarteratzeari buruzko Lege Orokorra, azaroaren 29ko 1/2013 Legegintzako Errege Dekretuak onetsi zuena) betez, lanpostu hutsen erreserba bat egiten da %33ko desgaitasuna edo handiagoa duten pertsonekin betetzeko, baldin eta pertsona horiek hautaketa-probak gainditzen badituzte eta, dagokion unean, aplikatu beharreko legeak ezarritakoaren arabera ziurtatzen badute desgaitasun-maila hori dutela eta desgaitasun hori bateragarria dela egin beharreko lan eta eginkizunekin. Era berean, Enplegatu Publikoaren Oinarrizko Estatutuari buruzko Legearen Testu Bategina onesten duen urriaren 30eko 5/2015 Legegintzako Errege Dekretuaren 59. artikuluan ezarritakoa betez, honela egingo da plazen %7ren gutxieneko erreserba: desgaitasun intelektuala duten pertsonak beteko dute eskaintako plazen %2 gutxienez; gainerako plazak, berriz, beste edozein desgaitasun mota dutenek beteko dituzte. Plaza-erreserba horretan, 2017. urterako eskaintzen diren plaza guztien %7 gordeko dira, eta dagokien deialdietan ezarriko da nola banatuko diren.

2. Desgaitasuna duten pertsonentzat erreserbatutako plazak sarrera arrunteko plaza-deialdietan sartu ahal izango dira, edo aparteko txanda batean. Aurreikuspen horrekin bat etorrira, enplegu-eskaintza honetan bost (5) plaza eskainiko dira desgaitasun intelektuala duten pertsonentzat, zerbitzuetako langileen kategorian. Plaza horien deialdia aparteko txanda batean egingo da.

3. Desgaitasuna duten pertsonak gainerako hautagai guztien baldintza berberetan onartuko dira Foru Aldundiak deitutako hautaketa-prozeduretan.

4. Desgaitasuna duten pertsonak eskatuz gero, denbora eta baliabideak egokituko dira hautaketa-probak egin ahal izateko, betiere horrekin proben edukia hutsaltzen ez bada edo eskatzen den maila murriztu edo gutxitzen ez bada.



5. Artikulu honen ondorioetarako, desgaitasuna duten pertsonatzat joko dira izaera hori edo %33ko edo gehiagoko desgaitasun-maila aitortua dutenak, 1999ko abenduaren 23ko 1971/99 Errege Dekretuaren arabera. Aitorpena, dena dela, organo eskudun batena izan beharko da (IMSERSO, Bizkaiko Foru Aldundiko Gizarte Ekintza Saila edo baliokideren bat).

6. Aurreko puntuetan adierazitako kasuetan, desgaitasuna duten pertsonentzat erreserbatutako plaza eskatzen dituzten hautagaiek honakoa egiaztatu beharko dute, organo eskudunek emandako ziurtagirien bidez: batetik, desgaitasun hori badutela eta, bestetik, eskatutako plazetan egin beharreko lanak eta eginkizunak egiteko gaitasuna dutela.

#### 4. artikulua

Giza Baliabideen Planetik eratorritako barne-sustapeneko deialdietan izan ezik (deialdi horiek beren araudia dutelako):

1. Plazen izaera irekia gorabehera, deialdi bakoitzean deitutako plaza hutsen artean egokitzat jotako kopurua erreserbatu ahal izango da barne-sustapeneko sistemaren bidez betetzeko.

2. Barne-sustapenez sartzeko, dagozkion probak gainditu behar dira. Kasu bakoitzerako eskala, azpieskala, mota eta espezialitatean sartzeko deialdian ezarriko dira proba horiek.

3. Barne-sustapenerako erreserbatutako plazaren bat hutsik geratzen bada, txanda askeko plaza gehituko zaie.

4. Estatuaren 2016. urterako Aurrekontu Orokorrei buruzko urriaren 29ko 48/2015 Legeak —2017ko ekitaldirako luzatuak— bere 20. artikuluko bat zenbakian, 4. zenbakiko azken paragrafoan zehazten duenez, barne-sustapeneko sistemaren bidez hornitzeko erreserbatzen diren plaza, Giza Baliabideen Planetik eratorritakoak zein deialdi bakoitzean erreserbatzen direnak —aurreko ataletan adierazi denez— ez dira kontuan hartuko birjarpen-tasak ekarritako plazen gehieneko mugaren barruan.

#### 5. artikulua

1. Euskal Funtzio Publikoari buruzko 6/1989 Legearen V. tituluan xedatzen dena eta Euskal Autonomia Erkidegoko herri administrazioetan euskararen erabilera normalizatzeko prozesua arautzen duen apirilaren 15eko 86/1997 Dekretuan ezartzen dena betetzeko (aipaturiko 6/1989 Legearen 97.5 artikulua eta dekretu horren 27. artikulua lotuz), eta kontuan hartuta enplegu-eskaintza plaza deitzeko dela eta ez zuzenean lanpostuak deitzeko, egun lanpostuen hizkuntza-eskakizunak lanpostuen zerrendetan adierazita daudela eta Eusko Jaurlaritzako organo eskudunek epe honetan dagoeneko onartu diren lanpostuei buruz emandako txostenekin bat datozela, enplegu publikoaren eskaintza honetan eskaintako plazen hizkuntza-eskakizunak eranskinean adierazita-koak izango dira.

2. Derrigorrezko hizkuntza eskakizuna duten plazetan, hizkuntza eskakizuna nahitaez bete behar da plazara sartzeko, eta egiaztapena deialdiaren oinarrietan zehaztutako eran egingo da.

3. Gainerako plazetan, euskararen ezagutza merezimendutzat joko da eta, beraz, puntuazioan ehuneko bat lortzea ekarriko du. Ehuneko hori ez da inola ere hautaketa-prozesuaren gainerako ariketetan guztira gehienez lortu daitekeen puntuazioaren ehuneko bost baino txikiagoa izango, ezta ehuneko hogeitau bost baino handiagoa ere, honako eskala honen arabera:

- 1 HE: %5etik %10era.
- 2 HE: %5etik %10era.
- 3 HE: %11tik %20ra.
- 4 HE: %11tik %20ra.

**6. artikulua**

1. Bizkaiko Foru Aldundiaren Gobernu Kontseiluak Giza Baliabideen Plana onartu zuen, 1996ko ekainaren 25eko bilkuran (Plan horrek zenbait neurri ezartzen ditu, Euskal Funtzio Publikoari buruzko 6/1989 Legearen 22. artikulua babesean —Euskal Funtzio Publikoari buruzko Legea aldatzen duen azaroaren 7ko 16/1997 Legean emandako testuaren arabera— eta Funtzio Publikoaren erreformarako neurrien 30/1984 Legearen hogeita batgarren xedapen gehigarriaren babesean —22/1993 Legeak gehitutako xedapena—). Plan hori gauzatzeko, 2016ko E taldea eta lanbide-taldeak barne-sustapenez C2 (D) azpitaldera aldatzeko deialdia egiteko aurreikuspena dago, Bizkaiko Foru Aldundiaren 2017ko ekainaren 13ko erabakian ezarritako helmenaren eta banaketaren arabera.

2. Hautaketa-prozeduraren ondorioz, barne-sustapeneko lanpostu horiek bete gabe geratzen badira, ezin izango zaizkie inola ere gehitu enplegu publikoaren eskaintzan txanda askean betetzeko eskaintako lanpostuei.

**7. artikulua**

1. Edonola ere, 5/2015 Legegintzako Errege Dekretua, urriaren 30ekoa, Enplegatu Publikoaren Oinarrizko Estatutuaren Legearen Testu Bategina onesten duenaren 10.1.c) artikuluan eta Euskal Funtzio Publikoari buruzko Legearen hamazazpigarren xedapen gehigarrian xedatutakoaren arabera, bitarteko funtzionarioak izendatu ahal izango dira aldi baterako programak garatu ahal izateko, baita 5/2015 Legegintzako Errege Dekretua, urriaren 30ekoa, Enplegatu Publikoaren Oinarrizko Estatutuaren Legearen Testu Bategina onesten duenaren 10.1.d) artikuluan xedatutako gehiegizko zereginak edo zeregin-pilaketa betetzeko ere; baina plantillan hutsik dauden plazak bitarteko funtzionarioen bidez bete ahal izateko karrerako funtzionarioen bidez betetzen ez diren plazak direnean edo aldi baterako absentzia dela-eta haien plazen eginkizunak betetzeko.

2. Bitarteko funtzionarioek honako kasu hauetan galduko dute berez beren kargua: dagokion deialdian gainditu duten hautagaiek karrerako funtzionario karguaz jabetzen direnean, ordeztzen duten funtzionarioa itzultzen denean eta, edozein kasutan, izendapena eragin duten premiazko arrazoiak edo beharrianak desagertzen direnean. Horrez gainera, 5/2015 Legegintzako Errege Dekretua, urriaren 30ekoa, Enplegatu Publikoaren Oinarrizko Estatutuaren Legearen Testu Bategina onesten duenaren 10.1.c) artikuluan eta Euskal Funtzio Publikoari buruzko Legearen hamazazpigarren xedapen gehigarrian xedatutakoaren arabera, aldi baterako programak garatu ahal izateko bitarteko funtzionarioak izendatzen direnean eta 5/2015 Legegintzako Errege Dekretua, urriaren 30ekoa, Enplegatu Publikoaren Oinarrizko Estatutuaren Legearen Testu Bategina onesten duenaren 10.1.d) artikuluan xedatutako gehiegizko zeregin edo zeregin-pilaketetarako izendatzen direnean, programa eta izendapen horiek amaitzen direnean galduko dute kargua.

**AZKEN XEDAPENA**

Erabaki hau Bizkaiko Aldizkari Ofizialean argitaratzen den egun berean jarriko da indarrean.

Bilbon, 2017ko uztailaren 5ean.—Herri Administrazioarako eta Erakunde Harremanetarako foru diputatua, Ibone Bengoetxea Otaolea



ERANSKINA / ANEXO  
ADMINISTRAZIO BEREZIKO ESKALA / ESCALA DE ADMINISTRACIÓN ESPECIAL

Plazaren kodea Código Plaza	Izena Denominación	Plaza kop. N.º Plazas	Hizkuntz eskakizuna Perfil lingüístico	Derrigorrezkoa Preceptivo.	Derrigorrezkoa ez dena No preceptivo
<b>Zerbitzu Berezien azpieskala, mota: Suhiltzaile Zerbitzua</b> <b>Subescala de Servicios Especiales, Clase Extinción de Incendios</b>					
1324144	Su-itzaltze Zerbitzuko ofiziala Oficial Servicio Extinción Incendios	1	3	1	
<b>Teknikarien azpieskala, mota: Teknikari ertaina</b> <b>Subescala Técnica, Clase Técnico/a Medio</b>					
1312229	Industriako ingeniari teknikoa Ingeniero/a Técnico/a Industrial	1	3	1	
<b>Teknikarien azpieskala, mota: Goi-mailako teknikaria</b> <b>Subescala Técnica, Clase Técnico/a Superior</b>					
1311150	Psikologoa Psicólogo/a	4	3	4	
1311127	Inspector/a de Finanzas	11	3 3	6	5
<b>Zerbitzu Berezien azpieskala; mota: zeregin bereziak</b> <b>Subescala Servicios Especiales, Clase Cometidos Especiales</b>					
1321190	Hizkuntz normalizazioko goi-mailako teknikaria Técnico Superior de Normalización Lingüística	1	4	1	
1321172	Traductor/a de Euskera	2	4	2	
1321185	Traductor/a Euskara-Ingles-Castellano	2	4	2	



ADMINISTRAZIO OROKORREKO ESKALA / ESCALA DE ADMINISTRACIÓN GENERAL

Plazaren kodea Código Plaza	Izena Denominación	Plaza kop. N.º Plazas	Hizkuntz eskakizuna Perfil lingüístico	Derrigorrezkoa Preceptivo.	Derrigorrezkoa ez dena No preceptivo
	<b>Lanbide-taldea / Agrupación Profesional</b> <b>Txanda independentea, desgaitasuna duten pertsonen gordetako plaza</b> <b>Turno independente plaza reservada a personas con discapacidad:</b>				
1260591	Zerbitzuetako langileak Personal de Servicios	5	1		5